



15 იანვარი, 2026 წ.

ბრძანება № 01-02/09

უცხოეთში გასამართ სამეცნიერო ღონისძიებებში მონაწილეობისათვის ბსუ-ს
ბიუჯეტიდან დაფინანსების მიმღები (2026 წლის პირველ ეტაპზე) ბსუ-ს აკადემიური და
სამეცნიერო პერსონალის გამოვლენისათვის კონკურსის გამოცხადების შესახებ

„უმაღლესი განათლების შესახებ“ საქართველოს კანონის 22-ე მუხლის, ბსუ-ს წესდების მე-13 მუხლის, ბსუ-ს წარმომადგენლობითი საბჭოს 2022 წლის 20 აპრილის №07-01/21 გადაწყვეტილებით დამტკიცებული „ბსუ-ს პერსონალის პროფესიული განვითარების დაფინანსებისა და სტატიის გამოქვეყნებისათვის წახალისების წესის“, „ბსუ-ს 2026 წლის ბიუჯეტის დამტკიცების თაობაზე“ წარმომადგენლობითი საბჭოს 2025 წლის 5 დეკემბრის №07-01/39 გადაწყვეტილების, ეკონომიკისა და ბიზნესის ფაკულტეტის დეკანის 2026 წლის 13 იანვრის №16276 სამსახურებრივი ბარათის, საბუნებისმეტყველო მეცნიერებათა და ჯანდაცვის ფაკულტეტის დეკანის 2026 წლის 9 იანვრის №7460 სამსახურებრივი ბარათის, ზუსტ მეცნიერებათა და განათლების ფაკულტეტის დეკანის 2026 წლის 13 იანვრის №15448 სამსახურებრივი ბარათის, ტურიზმის ფაკულტეტის დეკანის 2026 წლის 13 იანვრის №18910 სამსახურებრივი ბარათის, იურიდიული და სოციალური მეცნიერებების ფაკულტეტის დეკანის 2026 წლის 14 იანვრის №19333 სამსახურებრივი ბარათის, ტექნოლოგიური ფაკულტეტის 2026 წლის 12 იანვრის №11553 სამსახურებრივი ბარათის, ჰუმანიტარულ მეცნიერებათა ფაკულტეტის დეკანის 2026 წლის 14 იანვრის №21942 სამსახურებრივი ბარათის, რექტორის მოადგილის სასწავლო და სამეცნიერო მიმართულებით 2026 წლის 15 იანვრის №25003 სამსახურებრივი ბარათის საფუძველზე.

ვ ბ რ ძ ა ნ ე ბ ა :

1. გამოცხადდეს კონკურსი 2026 წლის 1 თებერვლიდან 2026 წლის 31 მარტის ჩათვლით (2026 წლის პირველ ეტაპზე) უცხოეთში გასამართ სამეცნიერო ღონისძიებებში (კონფერენციები, სემინარები, კონგრესი, ფორუმები) მონაწილეობისათვის ბსუ-ს ბიუჯეტიდან დაფინანსების მიმღები ბსუ-ს აკადემიური და სამეცნიერო პერსონალის გამოვლენისათვის.

2. განისაზღვროს კონკურსის ჩატარებისა და გადაწყვეტილების მიღების შემდეგი ვადები:

ა) დოკუმენტაციის მიღება - 2026 წლის 20-26 იანვრის ჩათვლით;

ბ) კონკურსის ჩატარების ორგანიზება - 2026 წლის 27-28 იანვარი;

გ) გადაწყვეტილების მიღება და შესაბამისი სამართლებრივი აქტის გამოცემა - 2026 წლის 30 იანვარი;

დ) გამარჯვებული კონკურსანტის მიერ უცხოეთში 2026 წლის 1 თებერვლიდან 10 დღის ვადაში გასამართ ღონისძიებაზე მივლინებისათვის შესაბამისი სამსახურებრივი ბარათისა და განახლებული დოკუმენტაციის წარმოდგენა - 2026 წლის 1 თებერვლიდან.

3. ბსუ-ს ფაკულტეტებისა და დამოუკიდებელი სამეცნიერო-კვლევითი ინსტიტუტებისათვის ბსუ-ს 2026 წლის ბიუჯეტით გათვალისწინებული დაფინანსების ფარგლებში წინამდებარე ბრძანებით გამოცხადებული კონკურსის მიზნებისათვის განისაზღვროს შესაბამისი ფაკულტეტის/ინსტიტუტის დაფინანსების მოცულობა (ასევე მხოლოდ ახალგაზრდა მეცნიერებისათვის - პირები, რომელმაც კონკურსის გამოცხადებამდე 7 წლის განმავლობაში მოიპოვეს დოქტორის აკადემიური ხარისხი და ასაკი არ აღემატება 35 წელს) შემდეგნაირად:

3.1. ბსუ-ს ფაკულტეტებისათვის:

- ა) იურიდიული და სოციალურ მეცნიერებათა ფაკულტეტის აკადემიური პერსონალისათვის - 5000 ლარი (მათ შორის ახალგაზრდა მეცნიერის შემთხვევაში - 2 000 ლარი, თუკი ახალგაზრდა მეცნიერი მიიღებს მონაწილეობას კონკურსში და გამოვლინდება გამარჯვებული);
- ბ) საბუნებისმეტყველო მეცნიერებათა და ჯანდაცვის ფაკულტეტის აკადემიური პერსონალისათვის - 6000 ლარი;
- გ) ტექნოლოგიური ფაკულტეტის აკადემიური პერსონალისათვის - 6000 ლარი;
- დ) ტურიზმის ფაკულტეტის აკადემიური პერსონალისათვის - 5000 ლარი (მათ შორის ახალგაზრდა მეცნიერის შემთხვევაში - 1500 ლარი, თუკი ახალგაზრდა მეცნიერი მიიღებს მონაწილეობას კონკურსში და გამოვლინდება გამარჯვებული);
- ე) ზუსტ მეცნიერებათა და განათლების ფაკულტეტის აკადემიური პერსონალისათვის - 4000 ლარი;
- ვ) ეკონომიკისა და ბიზნესის ფაკულტეტის აკადემიური პერსონალისათვის - 6000 ლარი;
- ზ) ჰუმანიტარულ მეცნიერებათა ფაკულტეტის აკადემიური პერსონალისათვის - 8000 ლარი.

3.2. ბსუ-ს დამოუკიდებელი სამეცნიერო-კვლევითი ერთეულებისათვის:

- ა) ბსუ-ს აგრარული და მემბრანული ტექნოლოგიების ინსტიტუტის სამეცნიერო პერსონალისათვის - 2000 ლარი;
- ბ) ბსუ-ს ნიკო ბერძენიშვილის ინსტიტუტის სამეცნიერო პერსონალისათვის - 2000 ლარი;
- გ) ბსუ-ს ფიტოპათოლოგიისა და ბიომრავალფეროვნების ინსტიტუტის სამეცნიერო პერსონალისათვის - 2000 ლარი.

4. კონკურსში მონაწილეობის მიზნით ბსუ-ს აკადემიური/ სამეცნიერო თანამდებობის პირმა (შემდეგში - კონკურსანტმა) ელექტრონულად (საქმისწარმოების ელექტრონული სისტემის მეშვეობით უნდა წარმოადგინოს დაფინანსების განაცხადი (შევსებული წინამდებარე ბრძანების №1 დანართის შესაბამისად) და შემდეგი დოკუმენტაცია:
- ა) ინფორმაცია ღონისძიების შესახებ (თემატიკა ან/და სავარაუდო სამუშაო გეგმა; ჩატარების ადგილი, თარიღი და ფორმატი; ორგანიზატორი დაწესებულება ან/და სხვ.);
 - ბ) ოფიციალური მოწვევის (მასპინძელი ორგანიზაციის/დაწესებულების თანხმობა) ორიგინალი და ქართულ ენაზე ნათარგმნი;
 - გ) მოხსენების მოკლე ტექსტი ქართულ ან/და მოხსენების ტექსტი/პრეზენტაცია კონფერენციის ერთ-ერთ სამუშაო ენაზე; მოხსენების შესაბამისი, გამოქვეყნებული ან/და გამოსაქვეყნებლად მომზადებული სამეცნიერო ნაშრომი/სტატია;
 - დ) შესაბამისი ფაკულტეტის დარგობრივი დეპარტამენტის/ინსტიტუტის განყოფილების სხდომის გადაწყვეტილება (ოქმის ამონაწერი), ღონისძიებაში დასაქმებულის მონაწილეობის მიზანშეწონილობის შესახებ;

- ე) სხვა დოკუმენტაცია, რასაც ითვალისწინებს შესაბამისი სამეცნიერო ღონისძიება და საჭიროა დაფინანსების შესახებ გადაწყვეტილების მისაღებად.
5. სამეცნიერო კვლევების სამსახურმა უზრუნველყოს წინამდებარე ბრძანებით გამოცხადებული კონკურსის შესახებ განცხადების ტექსტის (**№2 დანართი**), კონკურსანტის განაცხადის ფორმისა და შესაბამისი სამართლებრივი აქტების ბსუ-ს ვებგვერდზე განთავსებისათვის ბსუ-ს საინფორმაციო ტექნოლოგიების სამსახურისათვის წარდგენა (ელ. ფოსტის მეშვეობით - web@bsu.edu.ge).
 6. დამტკიცდეს საკონკურსო კომისიის შემადგენლობა წინამდებარე ბრძანების **№3 დანართის** შესაბამისად და ეთხოვოს საქმიანობის წარმართვა წინამდებარე ბრძანების, ბსუ-ს წარმომადგენლობითი საბჭოს 2022 წლის 20 აპრილის №07-01/21 გადაწყვეტილებით დამტკიცებული „ბსუ-ს პერსონალის პროფესიული განვითარების დაფინანსებისა და სტატიის გამოქვეყნებისათვის წახალისების წესის“ და საქართველოს კანონმდებლობის შესაბამისად.
 7. ბრძანების აღსრულებაზე კონტროლი განახორციელოს რექტორის მოადგილემ სასწავლო და სამეცნიერო მიმართულებით.
 8. ბრძანება გამოქვეყნდეს ბსუ-ს ვებგვერდზე (ველში „იურიდიული ცნობარი“ („რექტორის აქტები“) და ველში „კონკურსები“ - კონკურსის გამოცხადების შესახებ განცხადებასთან ერთად (თანდართული სამართლებრივი აქტებით).
 9. ბრძანება დაეგზავნოს მართვის ორგანოებს, რექტორის მოადგილეებს, ფაკულტეტებს, დამოუკიდებელ სამეცნიერო-კვლევით ინსტიტუტებს, სამეცნიერო კვლევების სამსახურს, სასწავლო პროცესის დეპარტამენტს, იურიდიულ დეპარტამენტს, საფინანსო-ეკონომიკურ დეპარტამენტს, საქმისწარმოების სამსახურს (კანცელარია), საზოგადოებასთან ურთიერთობის სამსახურს და საინფორმაციო ტექნოლოგიების სამსახურს.
 10. ბრძანება ძალაშია ხელმოწერისთანავე.
 11. ბრძანება შეიძლება გასაჩივრდეს კანონმდებლობით დადგენილი წესით და ვადაში, ბათუმის საქალაქო სასამართლოში (ქ. ბათუმი, სტეფანე ზუბალაშვილის №30).

ბსუ-ს რექტორი



ტიტე აროშიძე